



PRENTSA OHARRA

GAZTEEK AMURRION ERAKUTSIKO DUTE AURTEN INDARKERIA SEXISTAREN AURKAKO BERAIEIEN GAITZESPENA

- Emakundek bultzatutako eta EUDEL-en eta hiru Foru Aldundien parte-hartzearekin **Beldur Barik** 2015 programaren amaiera ospatuko da **azaroaren 28an Amurrioko** Topaketan.
- **Beldur Barik** programak **69 udalerritako 310 ikus-entzunezko** lan jaso ditu. Lan horietan neska eta mutilek erakutsi dute nola egiten dieten aurre ezberdintasunezko eta indarkeriazko egoerei errespetuan, parekidetasunean, askatasunean eta autonomian oinarritutako jarrerekin.
- Programak gazteei indarkeria sexista identifikatzeko eta horiei **Beldur Barik** Jarrerarekin aurre egiteko tresnak eskaintzen dizkie.
- Emakumeenganako Indarkeriaren Aurkako Nazioarteko Eguna dela eta, erakundeek puntu lila erabiltzera deitu dituzte hiritarrak emakumeenganako indarkeriaren aurkako daudela erakusteko

Amurrio, 2015ko azaroaren 23a.

Beldur Barik programa, gazteekin batera, indarkeria sexista prebenitzeko urteroko programa da. 2009an jarri zen abian **Emakundek eta EUDEL-ek bultzatuta**, Berdinsarea- Berdintasunaren aldeko eta Emakumeenganako Indarkeriaren aurkako Euskadiko Udalen Sarea-ren esparruan. Egun, Emakundek bultzatzen du eta Arabako, Bizkaiko eta Gipuzkoako Foru Aldundien, zein EUDEL-en babeseta eta finantziazioa jasotzen ditu. Gainera, Eusko Jaurlaritzako Hezkuntza, Hizkuntza Politika eta Kultura Sailaren, Euskal Herriko Unibertsitatearen (EHU) eta EITBren laguntza du.

2015ko Beldur Barik Topaketa Amurrión ospatuko da azaroaren 28an, larunbatean. Jaiak balio izango du urte osoan zehar, euskal geografia osotik gazteekin garatutako lan handiari amaiera emateko. Topaketan **Beldur Barik ikus-entzunezko lehiaketa**ren (12 eta 26 urte bitarteko gazteei zuzendutakoa) sariak banatuko dira. Ezberdintasun egoerei aurre egiteko errespetuan, berdintasunean, askatasunean, autonomian, erantzukidetasunean eta indarkeria sexistaren ukapen irmoan oinarritutako jarreraren ikus-entzunezko adierazpenak saritzen dira.

Edizio honetan 310 izan dira aurkeztutako lanak, 69 udalerritakoak. Horietatik 216 lehen kategoriakoak dira, 12 eta 17 urte bitartekoena. Bigarren kategoriari dagokionez, 18 eta 26 urte bitartekoa, 94 lan aurkeztu dira. Katēgoria bakoitzeko bi sari banatuko dira: 500 euroko lehen saria eta 300 euroko aipamen berezia. Horietaz gain, beste bi sari ere banatuko dira. Web-gunean egingo den herri-bozketarekin herria-saria aukeratuko da eta 300 euroko saria jasoko du. Eta, aurten ere, pasa den urtean lehenengo aldiz egin zen bezala, ikus-entzunezko ekoizpen onena baloratuko da 300 euroko sariarekin. Era berean, nabarmentzekoa da tokian-tokiko Beldur Barik lehiaketa ugari antolatu direla (Beldur Barik web gunean Lehiaketa Lokalei buruzko informazioa aurkituko duzue: <http://beldurbarik.org/category/lehiaketa-lokalak-2015/>).

Aurkeztutako lanetan ikusten da gazteek geroz eta hobeto identifikatzen dituztela indarkeria sexista eragin dezaketen desberdintasun faktoreak eta havei aurre egiteko jarrera agertzen dute. Azpimarratzekoa da gazteriak ematen dion garrantzia gizarteratze ezberdinek neska eta mutilengan sortzen dituzten ezberdintasunei.

Beldur Barik bultzatzen duten erakunde guztiek nabarmendu dute gazteekin indarkeria sexistaren prebentzioa lantzearen garrantzia. Nahiz eta gazteengan indakeriak eragin handia izaten jarraitzen duen, geroz eta tresna gehiago dituzte erasoak identifikatu ahal izateko.

Beldur Barik bezalako programek laguntza eskaintzen diete gazteei, eta batez ere nesken, indarkeria sexistaren identifikaziorako tresna horien eskuratzeko. Gazteen jabekuntza eta indartze prozesuak errazten dituzte, eta, gainera, ezberdintasun eta

indarkeria egoeren aurrean erantzuteko gaitasuna indartzen dute. Hausnarketa prozesu horiekin, aldi berean, mutilek egoera horietan duten protagonismoa eta ardura identifikatzen dute. Jarrera matxista blindatzen dituzten korporatibismo maskulinoei aurre egiten diete, indarkeria eragiten duenaren gaineko interpelazioaren beharra identifikatzen da ere, beraien konplizitate eza agertuz. Mutilek bezala dituzten pribilegioen birplanteamendu bat egiten dute eta neskekin aliantzak sortzen dituzte benetazko berdintasun bat lortu eta indarkeria matxista gainditzeko.

Amurrio, Beldur Barik Herria

Azaroaren 28an Amurrion ospatuko den topaketan, eztabaidak, formazio tailerrak eta ikuskizun ugari ospatuko dira. Tailerrak Bañueta garatuko dira, eta sari-banaketa Amurrioko Antzokian. Doaneko autobusak erraztuko dira publikoa hiru probintzietatik inolako arazorik gabe hurbildu eta bueltatu ahal izateko.

Honako hauek dira programatutako ekintzak:

- 16:30-17:00 Ongi etorria, autobusen helduera Bañuetako Kiroldegira.
- 17:00-19:00 Tailerrak (Gorputza astindu, GenitARTE, Autodefentsa Feminista, Perkusioaren Boterea, Feminista AktiARTE, Mutilentzat Clown desahalduntzailea Mutilentzat: Galtzen ikasi eta Heroi edo maltzur? Eman buelta pelikulari).
- 19:00-19:30 Lunch
- 19:30-20:00 Kalejira
- 20:00-22:00 Sari banaketa Amurrioko Antzokian.
- 22:15 Autobusen irteera Amurriotik.

Informazio gehiago www.beldurbarik.org

Puntu Lila

Bestalde, Azaroaren 25 ospatzeko (Emakumearenganako Indarkeriaren Aurrakako Nazioarteko Eguna), Beldur Barik programa bultzatzen duten instituzio guztiek hiritargoa puntu lila erabiltzera animatzen dute. Gogorarazi nahi dute, gainera, ikurra publikoki erakustek oinarrian emakumeen eta gizonen arteko ezberdintasun egoerak dituen indarkeriaren aurkako konpromiso aktiboa inplikatzeko duela.